

Informazion ti lengac mendres

**L'é l tem de n workshop a Pulfero/Podbonesec tel Friul per
endrez de l'Istitut per la Cultura Slovena e de l'Arlef**

Mendranzes - Coluna él la
situazion de l'informazion ti
lengac de mendranza?

E coluna, più en generèl la
situazion del lengaz, e la politica
linguistica portèda inant ti raions
olache i lengac mendres vegn
rejoné?

Chisc temes vegnarà rejoné fora
en mercol ai 28 de aost a Pulfero,
na zitadina de lengaz sloven de la
provinzia de Udin, te n confront
endrezà da l'Istitut per la Cultura
Slovena (Institut za Slovensko

Kulturo ISK) e da l'Agenzia
Regionèla per l Lengaz Furlan
(ARLeF) con l patrozinie del
Comun de Pulfero.

Tel cors de la scontrèda vegnarà
portà dant e metù a confront la
situazion de furlegn, ladins, sardi
e slovens, tolan dant più avisa i
sfoes Patrie del Friul, Il Diari,
Ladins dal Friul, La Vita cattolica,
Il Friuli, e Voce isontina per l Friul;
La Usc di Ladins per l ladin
dolomitich; Eja per i sardi; Dom,
Novi Matajur, Primorski e Novi
Glas per i slovens.